

Ar noson y 4ydd o Dachwedd, 1839, cerddodd miloedd o weithwyr De Cymru drwy'r glaw i gyfeiriad Casnewydd. Roedden nhw'n cario baneri. Yr un faner sydd i'w gweld ar glawr Seren Tan Gwmwl.

Cafodd ei llunio gan gyfreithiwr o Gaerfyrddin o'r enw Hugh Williams, dyn oedd yn cefnogi'r Siartwyr yn eu hymgyrch i gael diwygio'r Senedd a rhoi pleidlais i bob dyn. Roedd hefyd yn eu cefnogi yn eu hymgyrch ehangach i gael newidiadau cymdeithasol, ac yn cefnogi Merched Beca. Pan oedd y Siartwyr yn ymgyrchu yn 1839 dim ond 7% o boblogaeth Prydain oedd yn cael pleidleisio, doedd dim pleidlais gudd, ac roedd seddi yn Nhy'r Cyffredin ym mhocedi'r landlordiaid lleol. Pan fyddai pobl yn ddigon dewr i groesi eu meistri a phleidleisio yn eu herbyn, bydden nhw'n aml yn cael eu troi allan o'u cartrefi.

Mae lliwiau'r faner yn bwysig hefyd (lliwiau gorsedd y beirdd): **gwyrd i gynrychioli'r ddaear, glas i gynrychioli'r nefoedd, a gwyn i gynrychioli CYFLAWNDER a fyddai rhyw ddydd yn goresgyn nef a daear.** Roedd y gair Cyflawnder wedi ei ysgrifennu ar draws baneri'r Siartwyr Cymreig.

Ond roedd Siartiaeth yn Ne Cymru yn brwydro dros lawer mwy nag ennill pleidlais; roedd yn fudiad chwyldroadol oedd am ddymchwel y system a sefydlu Gweriniaeth. *'Arwyr a merthyron oedden nhw bob un'* yn ôl Gwyn Alf Williams. Roedd gan Siartwyr ardal Casnewydd gynllun i gipio'r dref, sefydlu eu trefn a u hawdurdod eu hunain yno a sefydlu Gweriniaeth. Roedd Siartwyr Lloegr i fod i wneud yr un peth yn Lloegr hefyd; newidiodd rheiny eu meddwl ar y funud olaf. Dywedodd Henry Vincent mewn araith yn y Coed Duon yn 1839 (cyn cael ei garcharu)...

*'In this place, a few thousand armed men in the hills could successfully defend it. Wales would make an excellent Republic. To your tents, O Israel! With one heart, one voice, and one blow, perish the privileged orders! Death to the aristocracy! Up with the people and the government they have established.'*

Gyda'r nos, ar y 4ydd o Dachwedd, 1839 casglodd miloedd o weithwyr De Cymru mewn mannau gwahanol y tu fas i Gasnewydd gyda'r bwriad o orymdeithio i'r dre a'i chipio yn enw'r Siartwyr. Wedi cerdded yn y glaw drwy'r nos cyrhaeddwyd Casnewydd. Un o'r rhai wnaeth gerdded oedd bachgen 19 oed o'r enw George Shell; ysgrifennodd at ei rieni cyn dechrau'r orymdaith

*'Byddaf heno yn cymryd rhan mewn brwydr ddewr dros ryddid, ac os gwelith Duw hi'n dda i arbed fy mywyd, fe'ch gwelaf cyn bo hir. Os na peidiwch a galaru, byddaf wedi syrthio dros achos dda.'*

Bu farw'r bore wedyn yn y frwydr.

Er na wnaeth y Siartwyr lwyddo i gipio grym mae'r hyn wnaethon nhw'n bwysig iawn. Roedd yn ymgais wirioneddol gan ddsbarth gweithiol De Cymru i gymryd rheolaeth dros eu bywydau eu hunain - i benderfynu ar eu dyfodol eu hunain. Mae Gwyn Alf yn dyfynnu Dr. William Price wrth iddo ffarwelio â'r Siartwyr oedd yn gadael am Gasnewydd, ac yna'n ychwanegu sylwadau ei hunan....

*'Maent wedi cychwyn ar y daith hir sy'n arwain at Gyflawnder', oedd ei eiriau. Ar y ffordd honno rydym ni o hyd. Fe fydd hi'n daith hir, yn daith anodd ac yn daith garegog. Cymerwch gysur. Fe fuodd ein cyndadau ar y ffordd hon o'r blaen. Ennill wnaethon nhw yn y diwedd. A dyna a wnawn ninnau.'*



Super  
Furry  
Animals

...  
siartwyr!

# FIDEL CASTRO, CUBA, JOHN F. KENNEDY, BAE'R MOCH, ... A 'COCK-UP' AMERICA.

## Ar y 1af o Ionawr 1959.....

**tra bod y rhan fwyaf o bobl y  
byd yn sobri ers y noson gynt,  
neu'n stwffo'u hwynebâu â  
bwyd, neu'n cwyno am bris  
lager .....**

roedd criw bach o bobl Cuba  
yn dangos i'r byd bod modd  
creu hanes, gan ddangos nad  
oedd yn rhaid i bethau fod fel yr  
oedden nhw, a bod modd  
NEWID; ac yn herio grym  
economaidd Unol Daleithiau'r  
America ar yr un pryd - not bad!

Ar y diwrnod hwnnw, gyda  
chefnogaeth yr *expert*  
chwyldroadwr **Che Guevara**,  
cymrodd Fidel Castro reolaeth o  
ynys Cuba. Ar yr 8fed o Ionawr,  
gorymdeithiodd Castro i mewn  
i'r brif ddinas Havana a chafodd  
groeso anferth gan bobl oedd  
allan ar y strydoedd i'w  
groesawu. Aeth Castro ati'n  
syth i ryddhau'r wasg a datgan  
bod hawliau sifil llawn gan bobl  
Cuba. Roedd degawdau o  
reolaeth yr Unben / pyped  
America Batista wedi dod i ben  
o'r diwedd.



**J.F. Kennedy**

**golwg ddfilas!**

Ar Ebrill 14, 1961 lawnsiodd  
1,400 o Cubans alltud dan yr  
enw *La Brigada* ymosodiad ar  
Cuba o Nicaragua, mewn  
ymdrech i gael gwared ar  
Lywodraeth Sosialaidd Dr Fidel  
Castro. Rhain oedd y bobl oedd  
yn flin bod Castro wedi  
gwladoli'r melinau siwgr, a  
chymryd busnesau i ddwylo'r  
llywodraeth i'w rhedeg er lles  
pobl Cuba, yn hytrach na'u bod  
yn cael eu rhedeg er lles pobl  
fusnes America. Yn ystod 1960  
gadawodd miloedd o *emigres*  
Cuba am fywyd cyfalafol *gwell*  
yn Miami.

roedd ganddi 4 *Sea Fury*, 1 B26  
a 3 T33 yn weddill.

**ROEDD GAN CASTRO A  
CHUBA 8 AWYREN I  
AMDDIFFYN EU  
HUNAIN YN ERBYN  
YMOSODIAD OEDD YN  
CAEL CEFNOGAETH  
AMERICA, OND DIM OND 7  
PEILOT OEDD GANDDO I'W  
HEDFAN.**

**Yn angladd un o'i  
beilotiaid dywedodd  
Castro ...**



**FIDEL  
CASTRO**

*'dweud dim,  
nabod neb!'*

Oherwydd ei ofn o'r smygwr  
sigars a'i lywodraeth Sosialaidd  
roedd Arlywydd America John  
Fitzgerald Kennedy wedi  
apwyntio Richard Bissell i  
*helpu'r ffoaduriaid o Cuba* i  
geisio cael gwared ar Castro.  
Doedd Kennedy ddim eisiau  
gweld America'n cael ei  
chysylltu gyda'r ymosodiad ar  
Cuba, ond rhoddodd ganiatad i  
fomwyr America - B26s - i gael  
bomio Cuba i baratoi'r ffordd ar  
gyfer y *Brigada*.

Ar ôl y bomio gan America  
collodd Cuba 5 awyren, ond

**'Hir oes i'r dosbarth  
gweithiol, hir oes i'r  
werin, hir oes i'r rhai  
gostyngedig,  
hir oes i'n mamwlad, fe  
wnawn ni drechu.  
Ymlaen Cubans!  
Atebwch gyda dur a  
thân y barbariaid sy'n  
ein casau ac sydd am ein  
gweld yn dychwelyd i  
fod yn gaethweision.  
PATRIA O MUERTE  
VENCERMOS!'**

Wrth i'r *Brigada* ddechrau eu hymosodiad, dywedodd Samosa, unben Nicaragua wrth arweinydd y *Brigada* Pepe San Ramon ... *'dewch nôl â blew o farf Castro i fi.'*

Serch hynny, oherwydd *genius* Castro, a dewrder un dyn **Capten Enrique Carreras** arhosodd barf Castro yn ei lle, a chafodd Cuba a'r freuddwyd Sosialaidd ryngwladol ei hachub - er gwaethaf ymdrechion America a Kennedy, ac yn arbennig braich derfysgol yr Arlywydd, y CIA.

Roedd yr ymosodiad gan bobl wnaeth golli mas pan gymrodd Castro'r ynys - ymhlith y 1,400 roedd diddordebau ariannol y *Brigade* yn cynnwys 371,000 hectare o dir, 7 ffatri. 10,000 o stadau, 10 purfa siwgr. 3 banc, 5 pwll mwyngloddio a 12 clwb nos; i gyd wedi cael eu cymryd gan Castro i ddwylo'r llywodraeth a'u rhedeg yn enw'r bobl.

Cyn toriad gwawr ar 17 Ebrill 1961 glaniodd *La Brigada* ar ddau draeth ym Mae'r Moch - y Bay of Pigs yn Cuba. Gwyddai Castro bod yn rhaid iddo ymateb, ac am 4.30am ffoniodd ei brif beilot y Capten Enrique Carrera a dweud wrtho *'Chico, rhaid i ti suddo'r llongau' na i mi'*. Credai'r CIA eu bod wedi llwyddo i ddinistrio llu awyr Cuba, ac oherwydd hyn doedd dim arfau anti-aircraft ar y llongau. Am 6 y bore dechreuodd Carreras ar ei ymosodiad yn ei *Sea Fury* gydag un *Sea Fury* arall ac un B26 yn ei ddilyn. Am 6.30am aeth un o llongau America yr *Houston* i drafferth a gorfod glanio, tra bod drylliau awyren Carreras wedi llwyddo i wneud niwed i'r llong oedd yn gweithredu fel pencadlys y CIA - y *Barbara J.* Dychwelodd Carreras i base i gael mwy o danwydd ac *ammunition*, cyn dychwelyd i'r Bae am 9.30am; y

tro hyn suddodd y llong *Rio Escondo* oedd yn cario nwyddau a dulliau cyfathrebu angenrheidiol. Bryd hynny, penderfynodd gweddill y llongau ffoi am y môr agored, gan adael 1,350 o ddynion y *Brigada* ar y traeth. Roedd rhan gyntaf y frwydr dros Fae'r Moch drosodd.

Panic oedd ymateb JFK pan *gatecrashwyd* parti yn y Ty Gwyn gan Richard Bissel i roi'r newyddion iddo. AMERICA YN COLLI YN ERBYN 8 AWYREN A CHWYLDROADWR BARFOG HANNER CALL! - AMHOSIB! Gorchmynwyd peilotiaid America i gychwyn ymosodiad arall yn erbyn y 4 awyren oedd gan Castro ar ôl. Dyma pryd ddigwyddodd un o'r camgymeriadau mwyaf mewn hanes milwrol. Methodd America, y wlad fyddai'n rhoi dyn ar y lleuad 8 mlynedd yn ddiweddarach sylweddoli bod awr o wahaniaeth amser rhwng amserau Nicaragua a *Eastern Zone Time* America.


Cyrhaeddodd y B26s Fae'r Moch o Nicaragua tra bod peilotiaid America'n dal ar eu llongau'n bwyta'u bacwn a wy a'u *'Cornflakes'*. Erbyn iddyn nhw gyrraedd awr yn hwyr roedd y frwydr wedi ei cholli, a Carreras wedi taro eto. Erbyn diwedd y diwrnod hwnnw roedd 1,189 o'r *Brigada* wedi ildio - *cock-up* milwrol llwyr gan America.

Yn ystod y cyfnod wedyn closiodd Castro fwy at yr Undeb Sofietaidd; gwlad fu'n gyfaill mawr iddo ers iddo ddod i rym. Treuliodd Carreras weddill ei fywyd yn hedfan awyrenau i *Cuban Airways* allan o Havana. Mae Castro'n dal yn Arlywydd Cuba, er gwaethaf ymdrechion America i gael gwared arno, ac mae ei eiriau'n dal i ganu yng nghlustiau Arlywyddion America ....

**'Nid wyf yn ofni cynddaredd y gormeswyr diflas wnaeth gymryd bywydau cymaint o fy nghyfeillion a'm comrades. Condemniwch fi. Nid yw'n bwysig. Bydd hanes yn dangos y gwir' - GWIR POB GAIR COMRADE CASTRO!**

Che Guevara -


*'expert'*  
chwylldroadwr.



# Ateb Seren Tan Gwmwl i gylchgrawn **COMMANDO**.

1969 - Aberystwyth. Cymru o dan orthrwm gwlad estron. Ond roedd un dyn yn breuddwydio am ryddid. Cayo Evans. Kommandante yr FWA oedd yn cynnal cyfarfodydd yn eu pencadlys cyfrinachol. Dyma eu stori oherwydd ...

## THEY DRANK AT THE ANGEL




Mae'r grenades wedi cyrraedd o lwerddon

Gyda hynny, agorodd Field Marshall Coslett y bocsi i ddangos llond crate o grenades...



I Abergwesyn

Roedd Coslett yn yrrwr gwych, a chyrrhaeddodd yr FWA eu gwrsyll hyfforddi cyfrinachol yn Abergwesyn mewn chwinciad...



Meddyliodd y Kommandante y byddai'r grenades yma'n galluogi'r FWA i ennill y frwydr yn erbyn y gorthrymwyd, a'i osod ef ymhlith arweinwyr mawr yr 20fed Ganrif...



Breuddwydiodd Cayo y byddai'n ymuno â Mao Tse Tung a Che Guevara yn waredwr ar ei bobl ...

